



ՍՈՒՐԲ ՉԱԿՈԲ ԱՆՋԱՋՈՐԴԱՎԱՐԻ ՄԱՅՐ ԵԿԵՂԵՑԻ

Վարչակայ Սուրբ Խաչ
1 ՀՈԿՏԵՄԲԵՐ 2023

Կիրակնօրեայ Ընթերցումներ էջ 1
Ծանուցումներ էջ 2

ԸՆԹԵՐՑՈՒՄ ԱՌԱԿՆԵՐՈՒ ԳԻՐՔԵՆ (3.18-26)

Իմաստութիւնը կեանքով կը վարձատրէ իրեն ապաւինողները եւ ապահովութիւն կու տայ անոնց՝ որոնք իրեն կը կոթնին՝ որպէս Տիրոջ։ Իր իմաստութեամբ էր որ Աստուած երկրին հիմերը դրաւ, գիտութեամբ հաստատեց երկինքները։ Իր հանճարով է որ երկրի ընդերքներէն ջուրերը կը ժայթքեն եւ ամպերը անձրեւ կը թափեն։

Որդեակ, իմաստութենէն մի՛ բաժնուիր բնաւ. խրատներուս եւ խորհուրդներուս

... խրատներուս եւ խորհուրդներուս հետեւէ՛, որպէսզի կեանք ունենաս, շնորհքներով զարդարուիս, մարմինդ առողջ մնայ եւ ոսկորներդ հանգստանան։ Որպէսզի խաղաղ ըլլայ քու կեանքդ եւ ապահով ընթանաս, առանց երբեք գայթելու.

ցերեկը անվախ նստիս եւ գիշերը քաղցր նինջով քնանաս։ Ուստի մի՛ վախնար գալիք փորձանքներէն, ո՛չ ալ ամբարիշտներու յարձակումներէն. որովհետեւ ամենուրեք Տէրը հետդ պիտի ըլլայ եւ պիտի պաշտպանէք եղ որոգայթներէն։

ԸՆԹԵՐՑՈՒՄ ԵՍԱՅԻ ՄԱՐԳԱՐԵՒ ԳԻՐՔԵՆ (65.22-25)

Այսպէս կ'ըսէ Տէրը.- «Կեանքի ծառին պէս անվախճան պիտի ըլլայ իմ ժողովուրդիս կեանքը. իմ ընտրեալներս երկա՛ր պիտի վայելեն իրենց ծանր աշխատանքին վաստակը։ Այլեւս զուրտեղ պիտի չ'աշխատին ու դժբախտ զաւակներ պիտի չծնին, որովհետեւ Աստուծմէ օրհնուած սերունդ մը պիտի ըլլան, թէ իրենք եւ թէ իրենց զաւակները։ Տակաւին իրենք չկանչած՝ պիտի լսեմ զիրենք. դեռ իրենց աղօթքը չաւարտած՝ պիտի հարցնեմ. “Ի՞նչ կ'ուզէք”։ Այն ատեն գայլն ու գառը միասին պիտի ճարակին. առիւծը եզան պէս յարդ պիտի ուտէ եւ օձը հողով պիտի սնանի. ոեւէ մէկուն պիտի չդպչին եւ պիտի չվնասեն իմ սուրբ լերանս վրայ», կ'ըսէ Տէրը։

ՊՈՂՈՍ ԱՌԱՔԵԱԼԻ ԳԱՂԱՏԱՑԻՆԵՐՈՒ ԳՐԱԾ ՆԱՄԱԿԵՆ (6.14-18)

Գալով ինծի, քաւ լիցի որ մեր Տիրոջ Յիսուս Քրիստոսի խաչէն զատուրիշ բանով պարծենամ։ Այդ խաչին միջոցաւ մեղքի աշխարհը մեռած է այլեւս ինծի համար, ինչպէս ես մեռած եմ այդ աշխարհին համար։ Կարեւորը մարդուս

... իմ
ընտրեալներս
երկա՛ր պիտի
վայելեն
իրենց ծանր
աշխատանքին
վաստակը։

թլփատուած կամ անթլփատ ըլլալը չէ,
այլ նոր արարած ըլլալը։ Թող Աստուծոյ
խաղաղութիւնն ու ողորմութիւնը ըլլան
բոլո՛ր անոնց հետ՝ որոնք այս սկզբունքին
համաձայն կ'ապրին. բոլո՛ր անոնց՝ որոնք
իր ընտրեալ ժողովուրդը կը կազմեն։

Այսուհետեւ, խնդրեմ, ոեւէ մէկը աշխար-
հիկ հոգերով թող զիս չնեղէ, որովհետեւ ես
Յիսուսի կը պատկանիմ, ինչպէս մարմնիս
վրայ վէրքերուն սպիները կը վկայեն։

Եղբայրներ, մեր Տէր Յիսուս Քրիստոսի
շնորհքը ձեր բոլորին հետ ըլլայ։ Ամէն։

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԻՆ ԸՍ ՄԱՏԹԷՈՍԻ

(24.30-36)

Մեր Տէրը Յիսուս Քրիստոս կ'ըսէ.-
Ապա մարդու Որդիին նշանը
պիտի երեւի երկինքի մէջ, եւ աշխարհի
բոլոր ժողովուրդները պիտի ողբան, երբ
տեսնեն մարդու Որդին որ կու գայ երկինքի
ամպերուն վրայ բազմած՝ զօրութեամբ եւ
մեծ փառքով։ Երբ մեծաձայն փողը հնչէ,
ան իր հրեշտակները պիտի զրկէ, որպէսզի
հաւաքեն իր ընտրեալները աշխարհի չորս
կողմերէն, երկինքի մէկ ծայրէն մինչեւ

Հոգևանգաւուն
Եեր Խրանագրութիւնները
ՆԱԽՈՐՕԲ ԿԱՏԱՐԵՑԵՔ ԿԱՊՈՒԵԼՈՎ
ԵԿԵՂԵՑԻ ԳՐԱՍԵՆԱՎԿ՝
514 331 5445 x202 թիւն

Սոյն թերթիւն
Շաբաթական Հերթակատութեամբ
Է-ՆԱԽԱԿՈՎ ԱՏԱԱԼՈՒ ՀԱՄԱՐ ԳՐԵՑԵՔ
eglice@sourphagop.net Է-ՀԱՍԹԵՒ։

միւսը։ Թզենին թող ձեզի օրինակ ըլլայ։ Երբ
տեսնէք որ անոր ճիւղերը կը կակուղնան
եւ տերեւ կ'արձակեն, գիտէք թէ ամառը
մօտ է։ Նոյնպէս ալ, երբ բոլոր ըսածներս
կատարուին, գիտցէք թէ մարդու Որդիին
գալուստը մօտ է։ Վստա՞հ եղէք, որ այս
սերունդը չանցած՝ ասոնք բոլորը պիտի
պատահին։ Նոյնիսկ եթէ երկինքն ու երկիրը
անհետանան, խօսքերս պիտի չանհետանան։

Սակայն ո՛չ ոք գիտէ թէ ե՛րբ պիտի գայ այդ
օրը կամ ժամը. ո՛չ երկինքի հրեշտակները,
ո՛չ իսկ Որդին, բայց՝ միայն Հայրը»։

ԱՅԵԼԵՅԵՇ՝ ԵԿԵՂԵՑԻ

ԴԻՄԱՏԵՏՐԻ ԷԶԾ

ԵՒ ՁԵՐ ՀԱԽԱՆՈՒԹԻՒՆ յՎԵՏՆԵՑԵՔ
(like).

www.facebook.com/SourphHagopChurchMontreal

ԱՅԵԼԵՅԵՇ՝

Ս. Յակոբ Առաջնորդաւոս Մայր

ԵԿԵՂԵՑԻ ԿԱՅՐԵԶԾ՝

www.sourphagop.net

ԱՅԵԼԵՅԵՇ՝

Ս. Յակոբ Առաջնորդաւոս Մայր

ԵԿԵՂԵՑԻ YouTube ԿԱՅՍՆ՝

ՓԱՏՌԵԼՈՎ

Sourp Hagop Armenian Church